



Broj: 08/3-22-05-2-1488/10
Sarajevo, 09. mart 2010.g.

01/2-30-1 22.03/10.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: <i>22-03-10</i>			
Organizaciona jedinica	Klasifikaciona oznaka	Redni broj	Broj priloga
<i>01-50-1-15-70/p</i>			

**Parlamentarna skupština
Bosne i Hercegovine
Predstavnički dom**

Predmet: Poslaničko pitanje, odgovor, dostavlja se

Veza: vaš akt broj 01/a-50-1-15-70/10 od 27. januara 2010.g.

Gdin. Lazar Prodanović, poslanik Predstavničkog doma Parlamentarne skupštine Bosne i Hercegovine, na 70. sjednici Predstavničkog doma održanoj 21. januara 2010.g. postavio je Ministarstvu vanjskih poslova BiH slijedeće pitanje:

"Šta je Ministarstvo tj. nadležno diplomatsko-konzularno predstavništvo BiH preduzelo po pitanju rješavanja problema zdravstvenih radnika iz BiH upućenih na privremeni rad u Libiju posredstvom različitih agencija?"

Na postavljeno poslaničko pitanje Ministarstvo vanjskih poslova BiH dostavlja slijedeći;

ODGOVOR

Gradani Bosne i Hercegovine koji su kao zdravstveni radnici angažirani u Libiji upućeni su isključivo temeljem privatne inicijative/aranžmana i posredstvom različitih privatnih agencija o čemu se, kao ni o uvjetima angažiranja, rada i boravka u Libiji, ni sjedište MVP BiH niti Ambasada BiH u Libiji prethodno ne obavještava. Saznavši za probleme naših zdravstvenih radnika, Ambasada BiH u Tripoliju je ostvarila kontakte sa bh. radnicima i nadležnim organima u državi prijema no, nažalost, višestrano je konstatirano da Ambasada BiH ne može uticati na naknadnu promjenu okolnosti niti na rješavanje problema iz ovakvih aranžmana zbog toga što nije strana/subjekat u istima, te nema nadležnost niti mehanizme za kontrolu ispunjavanja prava i obaveza nastalih temeljem privatne inicijative lukrativnog karaktera.

S obzirom na izražen interes libijske strane za angažiranje kvalitetnog medicinskog kadra iz BiH, svih nivoa i svih struka, Ambasada BiH je obavila niz bilateralnih razgovora i konsultacija u Ministarstvu zdravlja Libije predlažući da se ovaj vid saradnje između dvije prijateljske države što prije institucionalizira i ugovorno reguliše (uključujući sve nivoe: bolnica sa bolnicom, međudržavni ugovor, i tsl.) jer bi se time eliminisao faktor rizika i za državu domaćina s obzirom da postojeći način angažiranja radnika iz BiH ne garantuje kvalitet a time bi se izbjegli i brojni postojeći problemi.

O svemu navedenom su kontinuirano obavještavani i konsultovani nadležni bh. državni i entitetski organi kao i Distrikta Brčko kako bi se problem riješio i stavio pod kontrolu.

Stav Ministarstva civilnih poslova BiH, u čijoj je nadležnosti oblast zdravstva, je da se predmetna oblast reguliše zaključenjem bilateralnog međunarodnog ugovora o saradnji u oblasti zdravstva između BiH i Libije, s tim što u pregovore, prema mišljenju Ministarstva, treba uključiti Agenciju za rad i zapošljavanje BiH, o čemu je obavještena libijska strana.

Očekujemo odgovor u vezi sa navedenom inicijativom.

S poštovanjem,



Ministar

Sven Alkalaj